



NEWSLETTER BR. 39

APRIL 2018

SADRŽAJ

FIPA AKTIVNOSTI ≡

- » PREDSTAVNICI FIRME ARCELAND U FIPA-I
- » DELEGACIJA PRIVREDNIKA IZ UAE POSJETILA FIPA-U
- » DELEGACIJA OPĆINE LJUBUŠKI U POSJETI FIPA-I
- » POSJETA AMBASADORA MALEZIJE FIPA-I
- » AKTIVIRATI POLJSKE INVESTITORE
- » FIPA DRUGI DAN NA SARAJEVO BUSINESS FORUMU 2018
- » FIPA UČESTVUJE NA SARAJEVO BUSINESS FORUMU 2018
- » POSJETA ITALIJANSKOJ KOMPANIJAMA ADRIATIC DOO
- » STRANI INVESTITORI ZAINTERESIRANI ZA ULAGANJE U HERCEGOVINU
- » AMBASADOR JAPANU U FIPA-I
- » GEO POWER GROUP U FIPA-I
- » PRIVREDNICI IZ LIBIJE U POSJETI FIPA-I RADI RAZGOVORA O MOGUĆNOSTI ULAGANJA U BIH
- » FIPA I OVE GODINE PREDSTAVLJA BH. VINA NA RENOMIRANOM SAJMU U TOKIJU
- » FIPA UČESTVOVALA NA ANNUAL INVESTMENT MEETING U DUBAJU
- » FIPA : POTPISAN MEMORANDUM O SURADNJI S CENTROM CIRP
- » FIPA : POTPISAN MEMORANDUM O SURADNJI S AMERIČKOM NEVLADINOM ORGANIZACIJOM CRS
- » FIPA ĆE TRAŽITI INVESTITORA ZA HIDROGRADNJU DD SARAJEVO
- » POSJETA FIRMI NELT
- » POSJETA PREDSTAVNIKA FIPA-E RAZVOJNOJ AGENCIJI "PRVI KORAK" D.O.O. KONJIC

POSLOVNE VIJESTI ≡

- » OLIP ZAPOČINJE PROIZVODNJU U DONJEM VAKUFU
- » STRANI INVESTITORI ZAINTERESIRANI ZA ULAGANJE U HERCEGOVINU

FIPA AKTIVNOSTI ≡



PREDSTAVNICI FIRME ARCELAND U FIPA-I



DELEGACIJA PRIVREDNIKA IZ UAE POSJETILA FIPA-U





PREDSTAVNICI FIRME ARCELAND U FIPA-I



Direktor Agencije za unapređenje stranih investicija BiH (FIPA) Gordan Milinić primio je potencijalne investitore iz Bugarske i predstavnike firme Arceland Christosa N. Mouroutisa i Dilyanu Ivanovu radi razgovora o mogućnostima ulaganja u energetske projekte s fokusom na hidro-energiju i projekte nekretnina u BiH. Predstavljeni su im uvjeti ulaganja u BiH, te sektori energetike i nekretnina, kao i trenutno raspoloživi projekti za koje je pokazan interes.

Također u pratnji predstavnika FIPA-e, obavljani su razgovori s vlasnicima investicionih projekata u BiH, te su posjećene potencijalne lokacije za investiranje.

Nakon analize ponuđenih projekata, investitor će obavijestiti FIPA-u o odluci o investiranju u BiH.



DELEGACIJA PRIVREDNIKA IZ UAE POSJETILA FIPA-U



Delegacija privrednika iz UAE posjetili su Agenciju za unapređenje stranih investicija BiH (FIPA) radi upoznavanja s poslovnim prilikama i mogućnostima za pokretanje biznisa u BiH.


Delegaciju privrednika su činili poduzetnici i investitori iz oblasti farmaceutске industrije, proizvodnje hrane, boja i lakova, građevine, konsaltinga. Neki od investitora već posjeduju pogone u susjednim zemljama, te planiraju širenje na tržište BiH.

Na osnovu iskazanog interesa, predstavnici FIPA-e su upoznali prisutne o poslovnim prilikama u BiH, mogućnostima ulaganja i statusu stranih investitora u našoj zemlji. Održana je generalna prezentacija o uvjetima poslovanja, i sektorima BiH za koje FIPA traži investitore.

Investitori iz UAE su iskazali interes da se susretnu s domaćim privrednicima ili stranim koji posluju u navedenim oblastima u BiH, te je FIPA organizirala sastanke i povezala investitore.



DELEGACIJA OPĆINE LJUBUŠKI U POSJETI FIPA-I



Delegacija Općine Ljubuški predvođena načelnikom Općine gosp.Nevenkom Barbarićem i predsjednikom Općinskog vijeća Ljubuški gosp.Tihomirom Kvesićem sa rukovodiocima Službe za privredu i finansije, Službe za prostorno uređenje, imovinsko-pravne i katastarske poslove, te Službe za stambeno-komunalne i inspeksijske poslove posjetila je FIPA-u, 24. aprila 2018. godine


Zamjenica direktora FIPA-e g-đa Damirka Mioč sa suradnicima predstavila je rad i aktivnosti FIPA-e na promociji BiH, upoznala ih sa načinom suradnje, pronalaska investitora kada su u pitanju investicijski projekti, te načinu promocije i podrške stranim investitorima kada dođu u BiH.

Načelnik gosp.Nevenko Barbarić predstavio je trenutno stanje u Općini Ljubuški s aspekta investiranja, glavnih i raspoloživih prirodnih potencijala, profitabilnosti ulaganja, stanju ljudskih resursa, kvaliteti života, infrastrukturnim prednostima, postojećim poslovnim zonama, promotivnim aktivnostima koje se provode, i slično.

Nadalje, istaknuto je da ova Općina, kao i cijeli Zapadno-hercegovački kanton po pitanju „administrativnih barijera“ za investitore koje se često spominju u javnosti, nemaju takve probleme, i da se sva ta problematika na vrlo brz i efikasan način rješava. Ova Općina je i jedna od općina sa najnižim komunalnim i drugim općinskim naknadama u BiH. U prilog tome govori i vrijedno priznanje na području privrede i potencijalnih mogućnosti za strana ulaganja koje je specijalizirani časopis za direktna strana ulaganja „FDI Magazine“ svrstao ovaj kanton među Top 10 destinacija u kategoriji Malih europskih regija budućnosti 2018./19. U narednome periodu Općina priprema izradu Investicijskog vodiča za ovo područje.



POSJETA AMBASADORA MALEZIJE FIPA-I



Ambasador Malezije u BiH N.J.E. Zakri Jaafar sa suradnicima posjetio je Agenciju za unapređenje stranih investicija BiH (FIPA) kako bi se upoznao s prilikama za investiranje u BiH i sektorima koji bi mogli biti interesantni malezijskim investitorima, te mogućnostima koje bi podigle ekonomsku suradnju između dvije zemlje na veći nivo.

Priliv stranih ulaganja u BiH je nizak, i tek nekoliko malezijskih kompanija posluje u BiH.

Direktor Gordan Milinić je upoznao ambasadora s nadležnostima i misijom Agencije, koordinaciji rada nadležnih institucija na polju privlačenja stranih investicija, 350 raspoloživih projekata i 300 lokacija za investiranje.

Predstavio je i rast investicija u 2017 koje su dosegle iznos od 758 miliona KM, kao i projekte koji bi mogli doprinijeti značajnom rastu investicija i u 2018, poput projekta TE Kamengrad za koji je potpisan Memorandum o razumijevanju, kao i stalnim kontaktima s potencijalnim investitorima.

Održana je i prezentacija o mogućnostima i uvjetima ulaganja u BiH, kao i sektorima bh. privrede za koje FIPA traži investitore. Ambasada će informirati privredne komore i udruženja privrednika u Maleziji o mogućnostima ulaganja u BiH.

Predstavljena je i medijska kampanja „Invest in BiH“ FIPA-e s ciljem upoznavanja inostrane poslovne zajednice o mogućnostima ulaganja za koju se traže sredstva od Vijeća ministra BiH.

Dogovoreno je da Ambasada Malezije ukoliko bude u prilici susresti se s novinarima iz Malezije, da ih uputi FIPA-i radi predstavljanja BiH.



AKTIVIRATI POLJSKE INVESTITORE



U okviru priprema za diplomatsku misiju, novoimenovani ambasador BiH u Poljskoj Ivan Dunder posjetio je Agenciju za unapređenje stranih investicija BiH (FIPA) kako bi se upoznao o trenutnoj privrednoj i investicijskoj suradnji između dvije zemlje. Direktor FIPA-e Gordan Milinić je upoznao ambasadora Dundera s radom Agencije na privlačenju stranih investicija i mogućnostima za ulaganje u BiH, te atraktivnim sektorima za strane investitore.


Također je istaknuo značaj ekonomske diplomatije na polju promocije zemlje i privlačenja investicija, ističući da je FIPA uspjela animirati tokom dvije prethodne godine bh. ekonomsku diplomatiju na način da su počeli organizirati investicione konferencije na kojima se predstavljaju mogućnosti za ulaganje u BiH. Istaknuto je da dosadašnji nivo investicija iz Poljske, prema podacima Centralne banka BiH iznosi 29.3 miliona KM. U 2017 je registriran milion KM ulaganja iz ove zemlje.

Neke od značajnijih poljskih investicija su : Organika BH d.o.o. Sarajevo, Aliplast Aluminium Systems d.o.o. Konjic, Lublin i Inter Cars d.o.o. Sarajevo.

Od ambasadora se očekuje da uspostavi suradnju s komorskim sistemom Poljske i ostalim udruženjima nadležnim za privredu, kao i s regionalnim privrednim komorama kako bi pokušao poboljšati priliv poljskih investicija u BiH i izvoza.



FIPA DRUGI DAN NA SARAJEVO BUSINESS FORUMU 2018



Predstavnici FIPA-e su drugog dana Sarajevo Business Forumu održali sastanke s potencijalnim investitorima iz zemalja Golskog zaljeva, Turske, Indonezije i Malezije, te su ponudili projekte iz sektora poljoprivrede, turizma i sektora nekretnina, na osnovu prethodno iskazanog interesa investitora za ovim sektorima. Povezali su strane investitore i nosioce ili vlasnike investicionih projekata u BiH, te su učestvovali u razgovorima s ciljem pružanja podrške bržoj realizaciji projekata. Također predstavnik FIPA-e je učestvovao na panelu koji je bio posvećen ekonomskoj suradnji između zemalja jugoistočne Europe i Azije, ističući između ostalog ulaganja u BiH iz azijskih zemalja, te potrebi značajnije promocije BiH na ovom kontinentu ukoliko se žele privući investicije iz ovog dijela svijeta.



FIPA UČESTVUJE NA SARAJEVO BUSINESS FORUMU 2018



Predstavnici FIPA-e učestvuju dugi niz godina na Sarajevo Business Forumu s ciljem pronalaska novih stranih investitora za Bosnu i Hercegovinu koji bi ovdje pokrenuli djelatnost i otvorili nova radna mjesta. Svako novootvoreno radno mjesto je dragocjeno u situaciji kada prema zvaničnoj statistici imamo oko 25% nezaposlenih.


FIPA nastoji iskoristiti dolazak stranih investitora na ovu manifestaciju kako bi razgovarala s njima i ponudila im raspoložive investicione projekte. Drugog dana foruma, će biti organizirani sastanci s investitorima kako bi im se predstavili i ponudili investicioni projekti.

Bosna i Hercegovina nudi značajne mogućnosti za ulaganje u sektorima poput poljoprivrede, energetike, metalnog i poljoprivrednog sektora, turizma, te stoga se nastoji materijalizirati u što većem obimu investicioni projekti iz ovih sektora kako bi se doprinijelo ekonomskom razvoju zemlje, većem zapošljavanju, te jačanju životnog standarda bh. građana.

Agencija pozdravlja organiziranje Sarajevo Business Forumu i ostalih investicionih konferencija u BiH, te smatra da one uveliko doprinose internacionalizaciji Bosne i Hercegovine, afirmaciji njenih privrednih mogućnosti i pozicioniranju BiH kao destinacije povoljne za ulaganje.



POSJETA ITALIJANSKOJ KOMPANIJI AMA ADRIATIC DOO




Predstavnici Agencije za unapređenje stranih investicija u BiH (FIPA), Općine Ilijaš i Kantona Sarajevo posjetili su 23. aprila 2018. godine kompaniju AMA ADRIATIC DOO Ilijaš u okviru Postinvesticione podrške stranim investitorima za 2018. godinu.

U pitanju je bosansko-italijanska kompanija koja je osnovana 2008. godine. Dio je grupacije Gruppo AMA S.p.A. Italija koja zapošljava preko 1.000 radnika u 12 fabrika u Italiji i 30 filijala u svijetu. AMA u Bosni i Hercegovini se bavi proizvodnjom sjedišta za radne mašine, hidrauličnih cilindara, a od 2013. godine je započela proizvodnju kablova za mehanizaciju. Proizvodnja je organizirana u 4.500 m² sa 150 stalno zaposlenih radnika. U narednih godinu dana, planirano je širenje i gradnja novog poslovnog objekta veličine 2.100 m² i zapošljavanje od 50-60 novih radnika.

Direktor kompanije g. Adnan Hajdarpašić je pomenuo da se prednosti investiranja u BiH, za ovakvu vrstu proizvodnje, ogledaju u dostupnosti i kontinuitetu isporuke električne energije i raspoloživoj kvalifikovanoj radnoj snazi. Pored toga, istakao je zadovoljstvo i dosadašnjom suradnjom s lokalnom zajednicom i njihovim angažmanom.



STRANI INVESTITORI ZAINTERESIRANI ZA ULAGANJE U HERCEGOVINU




Centar za investicije i razvoj poduzetništva (CIRP) Mostar, u suradnji s Agencijom za unapređenje stranih investicija BiH (FIPA), organizirali su na Međunarodnom sajmu privrede Mostar 2018. konferenciju "Investicijski potencijali Hercegovine". Cilj konferencije bio je da se domaćim i stranim investitorima predstave investicijske prilike i potencijali regije Hercegovine, te promoviranje Hercegovine kao investicione destinacije. Konferenciju je otvorio mostarski gradonačelnik Ljubo Bešlić, koji je istakao kako je najveći proizvođač u Mostaru kompanija Aluminij, dok su glavni nosioci privrednih aktivnosti poljoprivreda, malo i srednje poduzetništvo, te turizam sa stalnim trendom rasta, posebno u oblasti agro i ekološkog turizma. Zamjenica direktora Agencije za promociju stranih investicija (FIPA) u BiH Damirka Mioč kazala je kako je glavni cilj predstaviti prirodne, materijalne i ljudske potencijale regije Hercegovine, ocjenjujući kako taj kraj obiluje značajnim energetske, turističkim i poljoprivrednim kapacitetima koje je moguće unaprijediti ovakvim konferencijama na kojima se povezuju strani i domaći privrednici. Amir Kazić, Regionalni predstavnik FIPA-e u Mostaru, je održao prezentaciju pod naslovom "Zašto ulagati u Bosnu i Hercegovinu - Hercegovina kao privlačna destinacija za ulaganje.

Za načelnika Općine Čapljina Smiljana Vidića, glavni problem je što se veoma često preklapaju nadležnosti, pa se vrlo često ne zna ko upravlja kojim objektom, što otežava realizaciju poslovne ideje. Ambasador Republike Hrvatske u BiH Ivan Del Vechio kazao je kako za Hrvatsku nisu interesantni samo potencijali Hercegovine, nego čitave BiH, naglasivši da je riječ o nekoliko ključnih oblasti, prije svega, cestovna i putna infrastruktura, energetska infrastruktura, transport, poljoprivreda i turizam. Konferencija je okupila veliki broj privrednika i predstavnika vlasti iz Hercegovine, investitore i strane goste iz Indije, Kine, Jordana, Švicarske, Turske a njeni sponzori bili su Grad Mostar, Zapadno-hercegovački kanton i Feal d.o.o.



AMBASADOR JAPANA U FIPA-I




Ambasador Japana u BiH NJE Hideyuki Sakamoto posjetio je Agenciju za unapređenje stranih investicija BiH (FIPA) kako bi se upoznao s tokom priprema oko organizacije Investiciono-privredne konferencije o BiH u Tokiju planirane za 31. maj 2018. godine.

U organizaciji konferencije učestvuje Ambasada BiH u Japanu, Vanjsko-trgovinska komora BiH, FIPA, Organizacija JETRO s ciljem da se okupe bh. i japanski privrednici u Tokiju radi njihovog povezivanja, upoznavanja japanske privredne zajednice o mogućnostima za investiranje, animiranja japanskih investitora da investiraju u BiH, s ciljem jačanja postojećih bilateralnih odnosa i generiranja uvjeta za buduću poslovnu suradnju Direktor FIPA-e Gordan Milinić upoznao je ambasadora Sakamotoa o načinu na koji FIPA planira predstaviti mogućnosti Bosne i Hercegovine japanskoj privrednoj zajednici s fokusom na mogućnosti bh. sektora energetike, informacionih tehnologija, metalnog sektora i automobilske industrije.

Također je predstavio dosadašnju suradnju FIPA-e i Ambasade Japana u BiH, ističući uspješnu organizaciju posjete privredne delegacije Japana BiH u oktobru 2016. godine.



GEO POWER GROUP U FIPA-I



Investitori i predstavnici firme Geo Power Group iz Holandije Henk Eikelboom i Guido Jellema posjetili su Agenciju za unapređenje stranih investicija BiH (FIPA) kako bi razgovarali o mogućnostima ulaganja, privrednim sektorima i uvjetima koje Bosna i Hercegovina nudi stranim investitorima.


Pored Holandije, firma posluje i u Bugarskoj, a projekte implementira na način da sama osigurava finansiranje, razvoj i implementaciju određenog projekta.

Direktor FIPA-e Gordan Milinić je upoznao predstavnike holandske firme s aktivnostima koje Agencija provodi na polju promocije i privlačenja stranih investitora, te suradnji s nadležnim institucijama u BiH nadležnim za strane investicije.

Održana je i prezentacija o mogućnostima ulaganja i prednostima za strane ulagače koje BiH nudi investitorima, te su prezentirani trenutno raspoloživi investicioni projekti iz nekoliko privrednih sektora. Investitori će posjetiti određene lokacije od interesa za ulaganje, pregledat će raspoložive projekte, te će o odabiru projekta informirati FIPA-u koja će ih pratiti kroz realizaciju investicije.



PRIVREDNICI IZ LIBIJE U POSJETI FIPA-I RADI RAZGOVORA O MOGUĆNOSTI ULAGANJA U BIH



Privrednici iz Libije Mohamed Raied, predsjednik Privredne komore i član Parlamenta Libije, i Salem Mohamed Zidan sa suradnicima posjetili su Agenciju za unapređenje stranih investicija BiH (FIPA) radi razgovora o mogućnostima ulaganja u BiH, obnove ekonomske suradnje i povezivanja privrednika dvije zemlje.

G. Raied, koji se bavi proizvodnjom hrane, je istakao da su libijski privrednici zainteresirani za ulaganje u BiH, posebno uzimajući u obzir raniju dobru ekonomsku suradnju između Libije i BiH.

Također je istakao je da je Libija velika zemlja s velikim privrednim potencijalima, te postoje značajne mogućnosti za obnovu ekonomske suradnje, u sferi ulaganja i jačanja izvoza, te razmjeni kadra u zdravstvenom i tehnološkom sektoru.

Predstavnici FIPA-e su upoznali privrednike o nadležnostima i misiji FIPA-e, radu sa stranim investitorima, kao i mogućnostima za ulaganja u BiH.

Održana je i prezentacija radi detaljnijeg predstavljanja uvjeta za poslovanje u BiH, operativnim troškovima, razlozima za investiranje, statusu stranih investitora, kao i privrednim sektorima s fokusom na mogućnosti poljoprivredne proizvodnje.



FIPA I OVE GODINE PREDSTAVLJA BH. VINA NA RENOMIRANOM SAJMU U TOKIJU



Predstavnik Agencije za unapređenje stranih investicija BiH (FIPA) u Japanu g. Shigehiko Nishihama i ove godine predstavlja bh. vina na 93. Sajmu likera i sira koji se održava od 11. do 17. aprila u Tokiju.

Više od 1.000 vrsta vina iz 26 zemalja svijeta se izlaže i prodaje na sajmu.

Ove godine, tri vrste bh. vina, i to VINO Manastir Tvrdoš Vranac 2013, Hum Cabernet Sauvignon 2013 and OROS Chardonnay 2015 su ponuđena posjetiocima. Tokom sedmodnevne manifestacije proda se oko 25.000 boca vina, i to je ujedno, najveći sajam vina u Japanu.

Tokom prvog dana, kada je riječ o bh. vinu, posjetioci sajma su izrazili zadovoljstvo kvalitetom vina, posebno vinom Manastir Tvrdoš Vranac 2013.

Pored predstavljanja vina, g. Nishihama predstavlja posjetiocima i bh. kulturu i turizam, što je značajan doprinos promociji Bosne i Hercegovine na japanskom tržištu.

Također, zahvaljujući naporima predstavnika FIPA-e, od januara 2014. godine, BiH uspješno izvozi vino u Japan, što je značajan uspjeh, posebno imajući u vidu konkurenciju i zahtjeve japanskog tržišta.



FIPA UČESTVOVALA NA ANNUAL INVESTMENT MEETING U DUBAIJU



Na poziv Ministarstva ekonomskih poslova UAE, Agencija za unapređenje stranih investicija (FIPA) učestvovala je na investicionoj konferenciji Annual Investment Meeting u Dubaiju, koja je održana od 9. do 11. aprila u Dubaiju pod pokroviteljstvom Njegovog visočanstva šeika Mohammeda Bin Rashida Al Maktouma, premijera UAE i vladara Dubajja.


Konferencija je okupila više od 19.000 lidera i predstavnika iz 141 zemlje svijeta. Na konferenciji su se predstavnici FIPA-e susreli s vodećim predstavnicima vladinih institucija iz oblasti privrede, kao i sa predstavnicima kompanija i stranim investitorima. Tom prilikom su predstavljeni investicioni potencijali BiH, te konkretni investicioni projekti kojima BiH raspolaže.

Investitori iz UAE su pokazali interes za projekte iz oblasti turizma, zdravstvenog sektora, te flaširanja vode. Također je iskazan interes za izgradnju hotela u BiH sa sedam zvjezdica.

Konferencija je okupila međunarodnu investicijsku zajednicu, kompanije lidere, donosiocice odluka, eksperte i privrednike iz cijelog svijeta koji su govorili o stranim ulaganjima i pruža veliku mogućnost za upoznavanje privrednika, investitora i predstavnike zemalja koje žele uspostaviti održivu suradnju sa investitorima.



FIPA : POTPISAN MEMORANDUM O SURADNJI S CENTROM CIRP



Agencija za unapređenje stranih investicija BiH (FIPA) potpisala je Memorandum o suradnji s Centrom za investicije i razvoj poduzetništva (CIRP) iz Mostara radi definiranja zajedničkih ciljeva i aktivnosti, s ciljem zajedničkog doprinosa ekonomskom razvoju države.

FIPA i CIRP će raditi na jačanju suradnje između javnog i nevladinog sektora i unapređenju komunikacija u procesu pružanja podrške realizaciji investicijskih projekata i poboljšanju poslovnog okruženja u regiji Hercegovine.


Radit će na promoviranju poslovanja i investicija, kao i međunarodne ekonomske i trgovačke suradnju, te će razmjenjivati njihova iskustva u promociji i privlačenju investicija.

Organizirat će događaja koji omogućavaju bolju uvezanost privatnog, nevladinog i javnog sektora, te prikupljati analize i informacije o preprekama i opterećenjima koje negativno utiču na investicijsku klimu s ciljem njihovog uklanjanja i poboljšanja investicijske klime u zemlji.

Zajednički će pružati podršku realizaciji konkretnih investicijskih projekata u BiH.



FIPA : POTPISAN MEMORANDUM O SURADNJI S AMERIČKOM NEVLADINOM ORGANIZACIJOM CRS



Agencija za unapređenje stranih investicija BiH (FIPA) potpisala je Memorandum o suradnji s američkom nevladinom organizacijom CRS s ciljem definiranja partnerstva u provođenju projekta RAST-Restoring Accountability and Supporting Transformation, kojeg finansira USAID, a implementira CRS.

Projek RAST podrazumjeva pružanje podrške jedinicama lokalne samouprave u BiH, koje su opredijeljene da intenzivno rade na uspostavi povoljnog poslovnog okruženja u skladu s Business Friendly Certification South East Europe standardom certificiranja jedinica lokalne samouprave s povoljnim poslovnim ambijentom. Na osnovu Memoranduma, FIPA i CRS će se podržavati u oblastima koje su specifične za obje institucije, a u cilju privlačenja stranih investitora i unapređenja privredne suradnje i razvoja lokalnih zajednica u BiH.

Radit će zajednički na identificiranju investicionih potencijala, pripremi investicionih projekata, te njihovoj promociji potencijalnim investitorima. U zavisnosti od interesa investitora, kao i kvaliteta pripremljenih projekata, organizirat će i investicionu konferenciju s ciljem pronalaska novih investitora za BiH.



FIPA ĆE TRAŽITI INVESTITORA ZA H IDROGRADNJU DD SARAJEVO



Direktor Agenciju za unapređenje stranih investicija BiH (FIPA) Gordan Milinić razgovarao je sa stečajnim upravnikom Hidrogradnje dd Sarajevo Zijadom Fazlagićem o mogućnostima pronalaska stranog investitora za ovo bosansko-hercegovačko preduzeće.


U izradi je plan reorganizacije pravnog lica Hidrogradnja d.d. Sarajevo – u stečaju i traži se strateški partner. Hidrogradnja posjeduje imovinu na atraktivnim lokacijama na kojima je moguće izgraditi poslovno - tržne centre i stanove, te turističke objekte.

Projekti Hidrogradnje će biti unešeni u postojeću bazu FIPA investicionih projekata koja se prezentira stranim investitorima.

Predloženo je da se ovi projekti također predstave na Sarajevo Business Forumu 2018 radi značajnije promocije.



POSJETA FIRMI NELT



U utorak 27.03.2018. godine, predstavnici FIPA-e su održali „Aftercare“ sastanak sa predstavnicima kompanije Nelt sa sjedištem u Istočnom Sarajevu.

Ispred Nelt-a sastanku je prisustvovala gđa. Indira Semanić HR biznis partner i gđin. Marko Milanković menadžer za komunikacije Nelt grupe.

Osnovna djelatnost kompanije je distribucija i logistika, a u Bosni i Hercegovini uspješno posluju dvanaestu godinu i zapošljavaju ukupno 332 radnika. Zadovoljni su poslovnom klimom i cjelokupnim poslovnim okruženjem u zemlji, a osnovni razlog investiranja u BiH je bilo prirodno širenje u regionu odnosno regionalna ekspanzija.

Namjera im je širenje poslovne djelatnosti, izgradnja nove hale i skladišta neposredno pored postojeće kao i zapošljavanje novih radnika.

Sastanak je održan u okviru Suradničke mreže za podršku stranim investitorima gdje FIPA aktivno učestvuje od 2013. godine.



POSJETA PREDSTAVNIKA FIPA-E RAZVOJNOJ AGENCIJI “PRVI KORAK” D.O.O. KONJIC



U srijedu, 28.marta 2018. godine predstavnici FIPA-e posjetili su Agenciju “PRVI KORAK” d.o.o. Konjic u čijim je prostorijama održan radni sastanak. Agenciju je osnovala 2013 godine Općina Konjic s ciljem praćenja prioriteta u razvoju ovog područja.

Na sastanku se razgovaralo o dosadašnjim iskustvima i aktuelnim projektima, te je dogovorena buduća suradnja dvije agencije.

Zajednički je cilj privući strana ulaganja i implementirati projekte od značaja za lokalnu zajednicu. Agencija “PRVI KORAK” d.o.o. Konjic predstavila je predhodne projekte koje su implementirali u suradnji s nevladinim udruženjima.

Zahvaljujući programima prekvalifikacije radnika koje su provodili na području ove Općine ukupno je zaposleno 265 osoba.

Agencija „PRVI KORAK” d.o.o. u suradnji s Općinom je pokrenula i Poslovni inkubator, koji djeluje u okviru Agencije i ima za cilj odabir inovativnih poslovnih ideja koje imaju tendenciju da prerastu u uspješan biznis.

FIPA POSLOVNE VIJESTI ≡



OLIP ZAPOČINJE PROIZVODNJU U DONJEM VAKUFU




STRANI INVESTITORI ZAINTERESIRANI ZA ULAGANJE U HERCEGOVINU





OLIP ZAPOČINJE PROIZVODNJU U DONJEM VAKUFU




Italijanska kompanija Olip, koja se bavi proizvodnjom obuće, najavila je otvaranje proizvodnje u Donjem Vakufu sa 120 radnika, 21. aprila 2018.

Plan je da do kraja juna zaposle ukupno 300 lica.
Firma Olip odranije ima proizvodne pogone u Travniku.



STRANI INVESTITORI ZAINTERESIRANI ZA ULAGANJE U HERCEGOVINU



Centar za investicije i razvoj poduzetništva (CIRP) Mostar, u suradnji s Agencijom za unapređenje stranih investicija BiH (FIPA), organizirali su na Međunarodnom sajmu privrede Mostar 2018. konferenciju "Investicijski potencijali Hercegovine". Cilj konferencije bio je da se domaćim i stranim investitorima predstave investicijske prilike i potencijali regije Hercegovine, te promoviranje Hercegovine kao investicione destinacije. Konferenciju je otvorio mostarski gradonačelnik Ljubo Bešlić, koji je istakao kako je najveći proizvođač u Mostaru kompanija Aluminij, dok su glavni nosioci privrednih aktivnosti poljoprivreda, malo i srednje poduzetništvo, te turizam sa stalnim trendom rasta, posebno u oblasti agro i ekološkog turizma. Zamjenica direktora Agencije za promociju stranih investicija (FIPA) u BiH Damirka Mioč kazala je kako je glavni cilj predstaviti prirodne, materijalne i ljudske potencijale regije Hercegovine, ocjenjujući kako taj kraj obiluje značajnim energetske, turističkim i poljoprivrednim kapacitetima koje moguće unaprijediti ovakvim konferencijama na kojima se povezuju strani i domaći privrednici. Amir Kazić, Regionalni predstavnik FIPA-e u Mostaru, je održao prezentaciju pod naslovom "Zašto ulagati u Bosnu i Hercegovinu - Hercegovina kao privlačna destinacija za ulaganje.

Za načelnika Općine Čapljina Smiljana Vidića, glavni problem je što se veoma često preklapaju nadležnosti, pa se vrlo često ne zna ko upravlja kojim objektom, što otežava realizaciju poslovne ideje. Ambasador Republike Hrvatske u BiH Ivan Del Vechio kazao je kako za Hrvatsku nisu interesantni samo potencijali Hercegovine, nego čitave BiH, naglasivši da je riječ o nekoliko ključnih oblasti, prije svega, cestovna i putna infrastruktura, energetska infrastruktura, transport, poljoprivreda i turizam. Konferencija je okupila veliki broj privrednika i predstavnika vlasti iz Hercegovine, investitore i strane goste iz Indije, Kine, Jordana, Švicarske, Turske a njeni sponzori bili su Grad Mostar, Zapadno-hercegovački kanton i Feal d.o.o.



MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E, KOJE SU BESPLATNE, KONTAKTIRAJTE NAS DIREKTNO.

Grbavička 4
71000 Sarajevo
Tel: +387 22 278 080
Fax: + 387 33 278 081
e-mail : fipa@fipa.gov.ba
www.fipa.gov.ba

Ured FIPA-e Mostar
Kneza Višeslava, Office 54
88000 Mostar
Tel/Fax: +387 36 558 815
E-mail: mostar@fipa.gov.ba

Ured FIPA-e Banja Luka
Jovana Surutke 13/III
78000 Banja Luka
Tel/Fax: + 387 51 226 180
E-mail: banjaluka@fipa.gov.ba

A map of Europe with white outlines of countries on a blue background. The country of Bosnia and Herzegovina is highlighted with a yellow and blue flag featuring white stars.

INVEST IN BOSNIA AND HERZEGOVINA YOUR NEW OPPORTUNITY

WWW.FIPA.GOV.BA